

Div. *Bryocoraria* m.

*Bryocoraria* m., *Eccritotarsaria* m., *Perissobasasaria* m., *Valdasaria* Dist. pars, *Cylaparia* Kirk. pars, *Thaumastomiraria* Kirk.

Hae divisio ab omnibus reliquis divergit: tarsis brevibus, articulo ultimo apicem versus distincte incrassato, ungviculis maxime divaricatis et etiam aroliis valde divaricatis, ungviculis approximatis, interdum cum iis connexis. Pronotum strictura apicali discreta instructum vel destitutum. Hemielytra cuneo discreta, membrana uni- vel rarius biareolata. Alae areola hamo destituto. Xyphus prosterni planus, saepe marginatus. Coxae posticae ab epipleuris hemielytrorum remotae.

1. *Eurycipitia* nov. gen. (Fig. 1).

Corpus oblongum, nitidum. Caput verticale, a supere visum breve, vertice lato, ab antice visum magis minusve transversum, pentagonale vel subtriangulare, a latere visum altitudine saltem duplo brevius, fronte magis minusve convexiuscula, clypeo leviter prominente, a latere viso angusto, basi a fronte discreto, ipsa basi in medio altitudinis capitis posita, genis altis, gula plerumque brevi. Oculi laeves, magni, exserti, saepe nonnihil retrorsum vergentes, a latere visi breves. Rostrum crassum, coxas intermedias raro superans. Antennae supra apicem oculorum interne insertae, articulo primo apicem clypei haud superante, secundo plerumque latitudine capitis brevior. Pronotum magis minusve transversum, lateribus medio vel ante apicem sinuatis, callis magnis, nonnihil obliquis, usque in latera extensis, medio contiguus et antice aream obtuse triangularem terminantibus, strictura autem annuliformi latera superante haud discreta, disco postico convexiusculo, versus apicem leviter declivi, laevi vel subtiliter punctulato, margine basali truncato vel medio subsinuato. Scutellum basi detectum. Hemielytra nitida, cuneo magis minusve leviter declivi. Tibiae muticae.